

書名 群書考索續集五十六卷 正
德十三年建陽劉氏慎獨書齋
刊本
撰者 宋 章如愚 撰
卷 卷五十
內容分類 子 類書 彙考 宋
索書號 子部 類書 17
編號 C5930500

卷五十

彩色首頁1


東洋文化研究所漢籍目錄 編號: C5930500

東洋文化研究所漢籍目錄所藏漢籍善本文影像資料庫 索書號: 子部 類書 17

漢籍善本文影像資料庫文本 群書考索續集五十六卷 正德十三年建陽劉氏慎獨書齋刊本

版權所有: 東京大學 東洋文化研究所
使用上的注意事項

河圖象數



經籍
河圖洛書
圖者圖
偶其像

群書考索卷之一

山堂先生章俊卿 編集
建陽知縣區玉 刊行

續集

天一地二天三地四天
五地六天七地八天九
地十天數五地數五五
位相得而各有合天數
二十有五地數三十凡
天地之數五十有五此
所以成變化而行鬼神
也

書考索卷五十

續集

山堂先生章俊卿編輯

建陽知縣區玉刊行

教諭譚璋校正

○輿地門

歷代

三代漢唐

三代有天下垂二千年而隆平之治纔數百載其間篡攘殺亂幾居大半傳八十有一王而致治之君纔十數而止是治世固少而亂世固多也漢唐有天下餘七百年而天下安安幾四百載傳四十有五帝而致治之君不下七制三宗是治世固多而亂世固少也然而天下後世言治道者莫不重三代而輕漢唐何哉教化習俗有不同耳蓋三代之牧斯民也任之以井牧養之以庠序警之以號令紀之以典刑下逮草萊之間教養畢備是故朝覲會同五服不期而至蒐苗獮狩戎事不戢而

嚴教之以禮樂而民蹈中和與之以三物而士敦行義分明於朝而辨
於鄉行成于家俗化於天下而風移於後世方其治時厥効若斯之盛
及其亂也先王之遺風猶在雖日尋干戈而民猶覲德詩書講耕耨入
餘禮樂見鋒鏑之下童子猶能奮忠婦人亦皆知禮商人足以却敵切
藏於為納君不至泥塗之人亦或可施於有政良由典制有常教化有
素而民難動耳爰自暴秦得志王迹遂熄漢矯秦枉未能遠謀綿歷魏
晉南北隋唐之際一因一革載治載亂為政之道不甚相遠也當時君
臣日夜圖回不過以刑名食貨之為急他則畧而不問是故學校不足
以化民成俗而徒為利祿之階禮樂不足以易俗移風而徒為宴樂之
具六藝已墮其四四民遂籍其二井牧既廢王制蕩然編戶之富侈埒
公侯齊民之貧不侔犬彘風教陵夷刑獄寃濫法藏於有司而民犯於
田里行著於鄉里則爵遠於朝廷父子無假蓋之情兄弟有爭桑之醜
夫婦懷切斧之疑奴主起攫金之想而習俗滋久玩為故常方其治時
効已不幾及其既亂則君子安於犯義小人示於犯刑未轉化為干戈

衣冠轉為皂隸此蓋盡為胡漢列郡不相唇齒林林之徒不殲於盜賊
則陷於飢寒不斃於飢寒則陷於刑戮生民糜爛無有紀極奸雄乘時
禍不旋踵良由王制隳壞聖教不行而民易動耳故臣謂三代之離亂
猶足以比漢唐之治安而漢唐之君子或未能過三代之小人非其時
之不同人之有異風教習俗實使然也且以漢宣之治朝而王吉深切
漢宣謂當時士大夫不能舉明主於三代之隆則他可知矣後之為天
下者欲建遠成之規苟一時之治則漢唐之法固有足進必欲化民成
俗浚太平長治之源則捨三代將焉取哉

宋朝混一字內

宗周以降訖于五季寥寥二千載間一治一亂載離載合為十有六代
周秦漢魏晉宋齊梁陳隋唐而周有天下餘八百年漢有天下餘四百
及梁後唐後晉後漢後周年唐有天下垂三百年其餘十有三代乃不能五百載何脩短之相矣
耶蓋以弗恤斯民而獲罪於天耳嘗考歷代之君志意所存各有緩急
而其德蓋可見矣緩於取天下急於惠斯民者文王也急於取天下而

不忘惠斯民者漢祖唐宗也急於取天下而忽於惠斯民者十三代創業之君也唯其愛民緩急不同此享國歷年之所以異也觀漢唐之盛涵養斯民不為不厚然遑遑然以天下為功則於元元有所不暇顧此其盛德所以有愧於文王也正觀之治有踰兩漢其惠澤斯民可知而好大喜功喪德實多方之高光文景之君顏其厚矣故唐祚一傾而絕漢祚雖移猶血食百年而後亡蓋其所以惠澤斯民者厚則圓穹之福祚為無窮仰觀俯察及古驗今則天人之理斷可知矣大哉宋太祖皇帝惠澤斯民何其深也方曆運有歸天人震動事出倉卒而市不易肆不動聲色而天運已歸一號令間海宇洗心滌然而屬宋矣于時承周世宗威烈之餘藩夷削弱之甚摧鋒進取無異拾遺而太祖仁民澤物之心有加無已視藩夷之民皆吾赤子息民休兵遵養時晦逮夫張文表作亂荆湖周保權來乞師始有事於南國副彼來蘇之望遂收不戰之功旋即罷兵與民休息既而蜀人恃德天討驟進師甫及於六旬功坐收於萬里載集倒戈之烈豈煩巷甲之勞凱歌既旋天威證靖以至

河東不軌而天駕躬臨誓弔斯民一人弗殺江南阻命久稽天誅而申勅將臣深戒殄戮兩堂常容於度外一民罔致於非辜故因壘而降尚有勞於再駕罪人斯得終有侔於二年傳曰行一不義殺一不辜而得天下不為也其宋之謂矣昔文王三分天下有其二而九年統未集萬古尚其仁藝祖之興十分天下有其七而十有七年宇內未為一家豈威力有所不足歟忍傷斯民之命必欲以柔道馴致之耳文王之德何以尚茲加之聖聖承承盡循堯道好生之德益洽於斯民故范陽逆命大駕弗亭澶淵赫靈神女頓戢夏人蠱動類蚊蚋之嗜膚漆國懷來猶鳥獸之咸若三代以還未有中國實強如宋朝承平之久而猶能釋四夷而弗誅也故海宇之間元元各安生業民有餘力地無遺利政事舉而獄訟理婚姻時而生齒繁上天降康年豐時和斯民父父子子兄兄弟弟夫夫婦婦咸遂其性而浸以休息故承平百年戶口十倍良有以也夫三代以還涵養斯民漢唐為優而考其極盛之時戶口可知西漢十二百二十三萬東漢九百六十九萬唐八百四十萬皆其極盛之數也宋朝元豐末天下民戶總添生一千六百五十萬戶宋朝疆

理北漢百郡少四之一益州之縣柯越舊來昌京州之金城北地武成
方州之縣而民戶猶加十四唐三百州少五之一即漢三十六郡
之州也而民戶猶加十九則知宋朝之興種德斯民過漢唐遠甚方
之文武成康之治了無愧色則皇天所以輔佑宋朝其可量耶

京都

東京

鄴食其荀文若之徒皆稱陳留為天下之衝四通五達之郊蓋言其平
夷洞達而坐九圍之中也故從古盟會戰爭此地尤亟傳稱夏禹有釣
臺之享今陽翟縣京西有釣臺陂春秋齊威公會諸侯于葵丘今雍
丘縣京東有葵丘聚吳晉爭長于黃池即今之封丘縣也京北晉
文公會諸侯于踐土即今之滎縣也京西晉敗楚師于鄢陵即今
之鄢陵縣也京東楚敗晉師于邲即今之管城縣也京西表曹
相持於官渡在今之中牟縣北京西劉項畫界於鴻溝在今之滎陽

西京西祖述鎮雍立而黃河以南盡為一有漢兵之雍丘縣也商
北朝力爭河南而滑臺無為重鎮即今之白馬縣也京北若此之類
前史班班未易殫舉則荀鄴之言為不誣矣故秦漢以還訖于南北朝
天下有變常為兵衝四面搏擊莽為戰場主霸之興未有都于汴者蓋
憚其四通五達而無險可恃也爰自隋煬帝大開汴河直達淮泗而大
梁實坐要會振南水陸之衡形勢百倍既李唐中僭奄山東百州大
梁屹為重鎮逮黃巢逆亂中原紛擾梁高祖僭窺唐室遂據汴地以為
根本既而征伐四克卒拓中原自後常為帝居迄于宋朝勅興卜都仍
舊開寶九年三月駕幸西京有事于南郊遂有留都之意議者謂東京
汴渠引漕東南宿衛百萬實所仰給帑藏軍兵皆在樞本不可搖即日
下詔東還嗚呼古先哲王所以更都三河之間者蓋務求水陸便利之
鄉所以便國用而紓民力也嘗考堯都平陽命夏禹治水每一州功畢
必導決川流直通于河以達平陽皆所以便諸侯之賦貢也聖祖之興
混一宇內而猶都大梁誠得唐堯之遺志焉

南京

春秋以還議者紛紛莫不以名城要害之為尚謂天下國家藩籬舉在於此而不知險非人不守人無險可固險在於人而不在於城也何則唯陽之城自春秋有之歷秦漢魏晉暨于南北朝其間中原變故多矣初未聞其為要害之地及安祿反陷沒兩京威焰赫然而張巡許遠提孤旅扼危城困十萬之衆於一堙之下俾江淮克全中興實賴以濟則所謂要害者果在於睢陽乎抑亦有賴於巡遠也泛觀前史所謂要害太平得人則重失人則輕叢爾老城屹為重鎮者無世無之如肘肘玉壁鍾離宛立諸城自秦漢以還皆蔑然無聞及魏太武南渡長驅江淮江北塵清南朝大振而城實乃固守盱眙宋州西魏之初齊神武掃國西下氣吞關陝而韋孝寬乃固守玉壁宋州在宋魏之界魏之初元英提山東數十萬衆乘勝而南江淮震駭而動義之乃以三千兵固守鍾離宋州李唐之季黃巢亂剽擊萬里宇內瓦裂而趙犇乃固守宛立宋州皆能挫銳摧敵收不世之功則四城之要害為如何以至隄防保

其李憲阻守吳守項濡焉魏爭滑臺城吳大義竊咸陽王成德僭真定或攻之連年不下或討之稱世而不賓或環天下共束之而無功成數十百年爭之而不已自當時觀之宜若險夷鞏固之甚真所謂名城要害者而前此者未有聞也後此者不復有聞也故知地利無常惟人所制吾險不足恃敵險不足畏苟得其人函關雖大峯泥可封也苟失其人黃河雖廣一葦可航也故善設險者擇良將善守城者固民心城不下雖雲屯百萬其孰能棄之哉嗟乎前史班班議論要險守禦之術多矣莫不錄一時成敗而言非可為萬世通論也得其要者孟軻氏而已鑿斯池也築斯城也與民守之効死而勿去此萬世不易之要害也若張巡許遠之徒豈所謂與民守之効死而不去者乎愚感巡遠睢陽之事故備論於此而人事地利之分度可見矣

北京

班孟堅著漢史叙列國之地各有都會蓋謂其財貨之所阜水陸之所湊山河之所襟帶足以指臂四域覆冠一方而獨隆者也夫土壤腴瘠

抵長安便於守洛陽便於利大梁便於戰三京利害各有一偏故前五
因其便利而都之也方其正朔雖一而利勢不專藩侯基布山河瓜分
列國有唇齒之依朝廷無指臂之順必也守戰並修軍民兩恤俾其進
足以制諸夏之變退足以保固宗社捨長安莫利也故宗周西漢繼宅
西土勢或然也竊秦隋唐踵卜長安仍以為安也逮夫車書混一禮教
興行舉綱朝廷張目郡縣於是偃武修文輕徭薄賦俾斯民均受其賜
思所以新一王之制作盛古之隆唯禮樂教化是遑而不以兵革戰伐
為事則捨洛陽莫便也故周成漢光定都成周誠得其宜也曹委司馬
晉踵卜洛邑仍以為安也光武而下唯元委孝文僅留意於稽古禮文
之事故遠接乎成中宅洛邑繁然新一王之政遠作盛古亦遷都改卜
有以相之若乃版圖未一侵伐鼎來夷狄外紅邊隅情竊必也德刑兼
修戰守兩備宿重兵於京師強幹弱枝以鎮服夷夏而指蹤英雄以赴
其功則捨大梁莫便也宋梁而下以迄于宋仍都大梁亦勢或然也然
有其利必有其害膏腴情農險阻逸德知禦侮於海隅而忽艱虞於京

者長安之不利也故五侯九伯不能亂周而大戎實亂之山東戰國
不能亡秦而趙高實亡之藩狄不能犯函谷而王莽實篡漢燕晉不能
禦符秦而姚萇實扁堅以至輔民課而新莽燼涇師繞而德宗姚豈非
長安忘警戒之道也歟德化有時替而君不常明紀綱有時紊而政不
常舉敵受八面而險不數舍一方矯震九重震動此則洛邑之不利也
在董卓奮而東漢亡爾朱騁而北朝亂偏師犯關如覆門闌以至典午
失馭藩侯弄兵往來如織王城不啻傳舍豈非洛陽失守戰之備也歟
宴安起於無虞弊蠹生於悠久故戰戰兢兢而甲械朽鈍以安以處而
士卒憊懣兵多難用將逸難使可以隆安強之威而不足以禦一旦之
變此則汴都之不利也故石晉之亡兵叛於外也宋朝靖康之變太平
之久也然則長安便於守洛陽便於歸大梁便於戰又在人之所便利
如何固未可恃其所便而遽即於安也雖然王京之制各有輔車屏蔽
之地又不可不察長安之制以陝西為畿輔而屏蔽實在隴右宋朝失
於西夏洛陽之制以關東為畿輔而屏蔽實在河東大梁之制以河南

為畿輔而屏蔽實在河北故由古以來洛京之禍常起於并汾汴都之變常起於燕趙長安之難雖不常所自而河隴之寇尤為頻駭良由失其外屏也是以河湟未歸則長安未易都云朔末賓則洛陽未易卜燕薊未服則大梁未易宅唇亡齒寒者此之謂矣由是以論則三京利害各有攸當不可一槩求也然以王道繩之是不無優劣焉從古議者紛紛莫不以長安為優而臣意則否長安之地四塞雖固而包復裁一心之境八州之民皆吾赤子而乃壘潼峽以自固是何示天下以私也豈天子守在四夷而王者以天下為家之義哉嗚呼天生民而立之君所以均調而齊一之也故王者之作必中天下而立定四海之民俾其貢賦於是而易輸寃抑於是而易訴朝覲會同於是而易期赴調上計於是而易達故布德行仁則易以均被發號施令則易以數暢皆所以均惠斯民也若夫洛邑之地當天之下大梁坐水陸之衝其所以惠利斯民孰便於此傳曰譬如北辰居其所而衆星拱之洛邑之謂也又曰三十輻共一轂大梁之謂也然則欲求一室萬世之都所以為國家生民無窮之計三都之中卽殆其幾幾矣

群書考索卷五十

續集



卷之五

